

求為釋子凡在時中吉祥如意者

大德十年歲在丙子二月

日意願

根本說一切有部毗奈耶卷第四十三 詠三

唐三藏法師義淨奉
制譯

非時入聚落不屬苾芻學處第八十之餘

余時鄖陀夷既得果已便作是念世尊慈父
於我實有大恩今作何事而能報德除利有
情餘無報者時鄖陀夷遂即隨緣而行教化

余時出尊告諸苾芻曰我諸弟子聲聞衆中
教化有情令得聖果者鄖陀夷爲第一

攝頌曰

大天大髻珠 醫人僧衆腹 梯受用兩倍
暴惡及童年 鉢及相撲人 是謂十三事
廣化十八億 咸令出苦津

大天者時具壽鄖陀夷作如是念今諸有情
誰繫屬我先受教化觀見一婆羅門承事大
天堪任濟度時鄖陀夷於日初分執持衣鉢
入室羅伐城次行乞食見彼婆羅門備設供
養覓婆羅門與其飲食高聲唱言誰是婆羅
門我當與食鄖陀夷曰我是婆羅門吾之大
師是最上婆羅門被人報曰汝非婆羅門是
禿頭沙門鄖陀夷曰我今共汝往問大天我
是婆羅門不二人共往至大天像所鄖陀夷
問曰我是婆羅門不時大天像出言告曰聖
者鄖陀夷實是婆羅門其師更是最勝大婆
羅門彼見大天像語便大驚恠歎未曾有於
佛教中深生敬信即請鄖陀夷宅中供養飯
食訖即爲說法示教利喜彼聞法已見真諦
獲初果歸依三寶受五學處至盡形壽不殺
生等白言聖者我願盡形壽供給一切所須
之物飲食衣服卧具醫藥幸爲納受告曰我
於餘人化緣未盡不應受此說是語已從來

而去大髻者時具壽鄖陀夷復於他日觀諸
有情誰堪受化見一婆羅門亦事大天不信
三寶知堪受化即於晨朝執持衣鉢入室羅
伐城見彼婆羅門同前設食覓婆羅門情希
供養唱言誰是婆羅門我當與食鄖陀夷曰
我是婆羅門吾之大師是最上婆羅門彼人
報曰汝非婆羅門是禿沙門若真婆羅門不
作如是形相鄖陀夷曰婆羅門相其狀如何
答曰婆羅門者其髻高大猶如冠帽鄖陀夷
曰若如是者我即其人以手摩頂大髻如冠
忽然自現彼人見已深生信仰發希有心請
入受食已爲其說法示教利喜其婆羅門

誣三

二

及婦俱獲初果既得果已歸三寶受學處奉
四事至盡形尊者告曰我有化緣捨之而去
珠者時具壽鄖陀夷復於他日觀諸有情誰
堪受化見一婆羅門亦事大天不信三寶知
堪受化即於晨朝持衣鉢入城中至婆羅門
家門外而立知彼婦意欲得好珠即便化身

爲賣珠者入其舍內示彼好珠光彩鮮明形
狀可愛告言我賣此珠汝若須者隨意當取
時婆羅門問其價直鄖陀夷曰隨汝所酬彼
少還價百分未一鄖陀夷即取其價時彼夫
婦恠未曾有私自歎曰何意貴珠而取賤價
鄖陀夷知其根熟便復本形時彼夫婦倍深
信敬遂以上妙飲食供養食已潔漱爲說施
頌復演深法夫婦聞已皆證初果歸依受戒
盡形供養廣說如前時鄖陀夷捨之而去

誣三

三

醫端然待死鄖陀夷觀彼機堪受化持衣鉢
入城中到彼家立門外化作醫人報言我善
醫療家人喚入病者告曰我病多時諸醫皆
棄但知守死無可歸依化醫報曰汝不須憂
呪術良藥力不思議須臾之間令得平復病
人聞已深生欣慶鄖陀夷即爲誦呪稱三寶

名彼婆羅門既聞呪已衆病皆除平復如故
尊者見已還復本形彼家夫婦倍生敬信歎
未曾有辦妙飲食請受供養食已說法俱證
初果爲受歸戒廣說如前乃至捨之而去
僧衆者時室羅伐城有一婆羅門於三寶所
不生信敬大富多財稟性慳惜無心捨施樂
多積聚時鄖陀夷知彼根熟數往其舍頻從
乞求雖勞去來竟無所得後於他日執持衣
鉢還入彼家空鉢而出適到門首彼婆羅門
從外而入問言茲薦於我舍中有所得不尊
者見彼無信敬心密言告曰汝旣自無將何
見與彼聞瞋怒報言沙門我有財食皆能周
贍汝之眷屬何意言無輒相輕賤答曰若如
是者明日我來就汝受食婆羅門曰斯誠善
事時鄖陀夷更詣餘家乞得食已還至本處
食訖禮佛白言世尊有婆羅門不信三寶稟
性慳惜積聚爲務無捨施心今日忽然言請
於我佛及僧衆明朝來食佛默然受彼婆羅

門既至明日於其舍內初無營辦時給孤獨
及餘長者聞請佛僧皆往彼宅見無備辦告
婆羅門曰汝請鄖陀夷并其眷屬即是佛及
僧衆來汝宅中受一時食汝今何故無營辦
耶答言我不與食諸人告曰若於今日佛及
僧衆來汝家中不施食者勝光大王必見治
罰不相容捨時婆羅門聞已太懼復緣宿世
善根現前開發遂多出物備辦上供擬施佛
僧余時世尊於日初分大衆圍遶往到彼宅
就所敷座安庠而坐時婆羅門親自奉獻上
妙飲食佛僧食已潔漱訖從座而去時鄖陀
夷獨留而坐爲彼夫婦演說妙法即於座上
俱得見諦歸依三寶受五學處廣說如前腹
者室羅伐城有婆羅門亦於三寶無敬信心
其婦端正罕有儕匹其人於婦極生愛念曾
不許人輒入其宅時鄖陀夷同前觀察堪受
化者見彼夫婦解脫時至執持衣鉢次第乞
食到彼門前欲入其舍時婆羅門見而不許

詠三

遂去小便時鄖陀夷今彼小便出不停息即入其舍面見其婦其婦慢心不相瞻視鄖陀夷化其婦腸令出腹外時婆羅門來見驚怖生厭惡心遂禮尊者請求懺謝鄖陀夷即攝神變令彼婦身平復如故夫婦二人歎未曾

有鄖陀夷因爲說法言身不淨無可保愛夫

婦聞法俱證初果廣說如前

阱梯者室羅伐城有婆羅門其婦端正婦心不信敬鄖陀夷念誰當受教觀彼夫婦宿世善根繫屬於我機緣堪化便持衣鉢往到彼家時婆羅門有事先出尊者即入其舍彼婦遙見避之入室尊者隨入婦遂阱梯而上高閣尊者亦上其婦即便推梯令豎是時尊者因墮于地入滅盡定時婦遙觀無有喘息謂之已死正梯而下以手擎持雖盡氣力竟不能動便命家人共來擎舉亦不移動時婆羅門從外而來驚恠其事略問知已即自扶持亦不能舉其家惶怖設計無由時有婆羅門

鄖波索迦是其知識從外而至見是尊者鄖陀夷告主人曰此非已死是入勝定爲相濟拔來至汝家故現化耳宜可懃懃求哀懺謝時婆羅門執足頂禮求哀懺悔尊者出定因爲說法便獲初果廣說如前

受用者室羅伐城有婆羅門娶族望女以爲

詠三

五

妻室儀容挺特好自誇談時鄖陀夷觀知此婦根機時熟堪任受化執持衣鉢隨緣入城至其宅內時婆羅門有緣已出其婦傲慢雖見苾芻一無所施亦不共語尊者順彼機緣宿世之事說伽陀曰

汝今受用昔時業 現在無心行捨施

曾見美女渙霑襟 不久還當自啼泣

爲說頌已出門而去于時彼婦不閑句義便作是念此之沙門罵詈於我心懷瞋惱婆羅門還見問曰有何苦耶婦曰向有沙門來罵辱我彼若活者我命不全其夫聞已怒目叱吒手援利劍逐彼苾芻欲斷其命時鄖陀夷

遙見彼來化爲小室閉戶而坐其婆羅門喚
令開戶尊者告曰汝可棄劍我當爲開婆羅
門即作是念但得相及拳打令死便放其劍
以極瞋心急喚開戶尊者報曰捨此瞋怒暴
惡之意當爲汝開聞已竊念此是聖人知我
惡意便自悔責捨除害心即爲開戶其人入

已爲說妙法便獲初果受三歸五戒告言我

於汝婦無惡罵詈爲說伽陀令思往事彼愚
不解更起瞋心今可諦聽當爲汝說乃往昔
時有一貧女見地美女綺飾莊嚴僕從自隨
衆人愛敬貧女懊惱啼泣作如是念我今以
何方便可得如是隨意事耶時有鄒波斯迦
是其知友告曰汝何憂苦女以事白答曰憂
惱無益他之果報從因所生貧女問曰其因
者何答曰於勝福田施以飲食至誠發願必
獲其果時有獨覺聖人來從乞食女持食施
心有所希時彼獨覺爲現神變貧女生信即
發願言願我以此供養善根所生之處莫遭

貧苦若得人身端正殊妙見者歡喜受用無
關汝婦由先施業發願力故獲端正報受用
豐足生勝族中人所愛重今乃不信當何得
耶時婆羅門旣獲勝果復聞宿世因緣之事
便請尊者還其本居爲設種種上妙飲食食
已爲說法要婦聞法已亦證初果求受三歸

誄三

六

五戒廣說如前

兩倍者室羅伐城有婆羅門其家巨富情懷
慳惜有事他行即便支料妻食之分餘有庫
藏泥封而去時鄒陀夷知婦堪化入其舍從
乞食婦持己食一升米飯以施苾芻迴視器
中食還如舊時鄒陀夷復於明日更將一伴
來至其舍婦人見已二俱請食還同昨日飯
器無減明將四人如是倍增至六十四人來皆
施食一升米飯不減如常此六十四人日日
來食餘人見之心生嫉妒夫至告曰汝婦在
家多爲費損常於日日食設百人看此所爲
汝家當破時婆羅門聞斯語已還至家中訶

責其婦何故我暫不在廣爲破費婦便告曰仁不須瞋所留我分持以供僧於餘庫物一無虧損其夫聞已深恠所言心欲試之驗其虛實時鄖陀夷欲至食時還將余許苾芻來入同前食訖飯器仍滿婆羅門見已倍生希有深發信心即請衆僧廣設供養食已說法于時夫婦俱見眞諦爲受歸戒捨之而去

詠三暴惡者室羅伐城有婆羅門婦性暴惡至節會日其婆羅門作如是念今日定有諸親識來對彼親賓婦若罵詈深爲醜惡作是念已便攜稚子避向餘村鄖陀夷觀知彼婦化緣時至持衣鉢到彼家見彼婦人擦理飲食尊

滅盡定不能移動即便執足懇到誠謝願復本形飯食任取尊者即起從其索餅婦人見惡者施與觀察籠中悉皆是好隨將一箇持與苾芻諸餅皆出問尊者曰豈揔將耶報曰我同梵行乃有多人汝自往行斯爲大善婦人持餅往給孤獨長者家見佛僧衆儼然而坐婦人持餅人各與一餅仍不盡婦人見已歎未曾有深生敬信因爲說法便獲初果還至宅中見餅如舊婆羅門知節會日過與子俱來見婦容儀庠審沉默觀其所作有異常時說伽陀曰

汝先志猖狂 何因今意別 我觀尔所作

與昔事不同

者去之不遠而住婦人告曰余欲覓食假令努眼太若鉢盂食終難得是時尊者即開兩眼大若鉢盂婦人又曰設使汝身分爲兩段我亦不與尊者化身即爲兩段于時婢使告

婦人曰若殺苾芻犯國刑法當爲官婢役使終身其婦驚怖欲持死屍棄深坑內尊者入

曹有倍深敬信遂往逝多林請鄖陀夷及佛

僧衆明當就食迦陀夷受已爲白佛僧如常廣說乃至佛僧食已還歸住處時迦陀夷獨留其舍爲說法要令證道果得見眞諦是時夫婦乃至盡形延請供養尊者不受其婦白言我設一座唯願尊者餘處乞食就此而食尊者哀愍爲受而去

童年者室羅伐城有五百婆羅門子至節會日各持飲食詣園林中欲爲聚集時迦陀夷便作是念今復何人堪應變化知彼五百婆羅門子根機將熟即於晨朝持衣鉢入園中就彼少年聚集之處諸人見已自相問曰此之苾芻是何種族而作出家有委知者答衆人曰此是婆羅門種捨高貴族而作沙門諸

無簡別時諸少年聞是語已各各稽首自知鄙惡即相謂曰是彼尊者以神通力令我華瓔及諸飲食並成雜惡不堪食歟我等今時更無別計宜當就彼以申懺謝即俱禮足白言聖者我輩愚癡肉眼無識恃己族姓出鄙惡言於聖者所輒相輕觸唯願慈悲受我懺

謝異口同音說伽陀曰

皮肉血便利 苦樂根不殊 咸同垢穢身云何捨棄於此雜類卑下人中食無簡別坐集次第而爲出家尊者答曰世間婆羅門有名無義我所投者無上大師及諸聖衆能除罪惡此即皆是真婆羅門時彼少年聞是語

教利喜五百童子即於座上斷煩惱見真諦身及飲食清淨如舊各受歸戒廣說如前鉢者室羅伐城有婆羅門善持呪術不信三寶常以呪力驅策鬼神令其駕車隨意遊涉時鄖陀夷復觀有情誰堪引接能入真諦見此婆羅門根器將熟即持衣鉢往趣其家見婆羅門誦呪使神御車將出暫還下車旋液方去尊者令其小便出不停止即解其呪放彼鬼神時婆羅門少頃來至見鬼神皆散車不能動雖誦呪術悉皆無驗事窮失計告苾芻曰由汝解呪所作不成今欲遣誰給侍於我尊者取鉢開示告曰此當與汝作給侍人婆羅門曰此黑鐵盂如何侍我尊者曰隨汝所念皆從此出彼聞是語即試思念百味飲食纔念之時衆味具足滿此鉢中彼見斯事歎未曾有告言大聖斯之妙術願當惠我尊者即說伽陀而告之曰

明呢不惠人以呪換方與或時得供給

輪迴

詠三

十

或多獲珍財若不如是者縱死不傳授時婆羅門聞伽陀已為貪呪故審諦思惟知神呪力有不思議既不授人何緣能得白尊者曰我無妙術可共相換復無珍財持用供奉但有身力以相給侍幸願慈悲教我明呪尊者報曰余欲得者可於如來善說法律而爲出家我當與汝如意神呪彼爲呪故依教出家剃除鬚髮著法服已白師言鄖波駛耶授我明呪師曰汝可受之弟子曰何謂也師曰所謂諸行皆無常一切法無我涅槃真寂滅此是鉢中明呪於三夜中汝勤修習必有神驗於此句義當善思惟時彼弟子爲求驗故冀有成功於日夜中一心相續思三句法妙解真源衆惑斷除證阿羅漢便詣師處禮足白言我今實得無上明呪我生已盡梵行已立不受後有如實而知鄖陀夷曰善哉善哉汝是真報佛恩自他俱利於三有海不復

相撲者余時有一壯士從南方來欲於中國求人捕力至室羅伐城於城門下脫衣拍脰高聲大叫我從遠來覓人相撲若有能者可來接手時此城中無人對敵時鄖陀夷知此壯士堪任受化於晨朝時執持衣鉢欲行乞食至城門下見斯壯士告言男子汝是壯兒

乃至爲受食座未久之頃時暴惡女爲兒娶妻身嬰疾病將死之時告家人曰我死之後隨有何事勿廢聖者鄖陀夷食座說是語已須臾命終彼婆羅門隨次而沒其子憂感經時漸捨便棄其婦求學他方妻於後時煩惱增盛乃與賊帥密行非法尊者每至其家於

計三

十一

欲求相撲答曰如是鄖陀夷曰汝當共我相撲爲當共我所撲得者而相撲平壯士答曰仁撲得者我且撲之鄖陀夷曰彼有強力汝不能禁壯士曰要待對敵方知強弱鄖陀夷曰貪瞋癡三是我所伏汝試撲之壯士曰此有大力欺一切人我何方便能爲彼敵鄖陀夷曰先可出家方能對敵即剃髮染衣思降三毒未久之頃結惑皆除證阿羅漢詣鄖陀夷所白言大師我已降伏三種壯士四事究竟廣如上說如是鄖陀夷苾芻於室羅伐城教化十八億家皆令解脫

余時鄖陀夷化暴惡女令得見諦廣說如前

座而食觀知此婦性多煩惱常爲演說離欲之法彼婦便念尊者聖力能了他心知我與人有私通事我夫若至必當告知今我宜應預斷其命即詐現病相告使女曰我今有疾汝今可往白尊者知屈來至宅使女往報是時尊者不預觀察來至其家固留至夜令喚賊帥至便告曰若此苾芻命得存者我終不活時彼賊帥恐其事露忿怒持刀斷尊者命將其屍骸棄糞聚中此是尊者先所作業今時果熟還於自身蘊器處受非於餘處乃至

廣說

余時世尊於十五日寢灑陀時在衆中坐大

衆皆集惟鄖陀夷一人不到時知座者白言
不見尊者鄖陀夷諸佛世尊得無忘念即告
衆曰我說鄖陀夷教化人中最為第一今已
被殺棄糞聚中汝等應為長淨時諸苾芻為
長淨已佛言汝等應可俱行與鄖陀夷為最
後供養設利羅

爾時世尊大眾圍遶夜至城門放大光明徧
滿城邑其門自開皆謂天曉諸人咸起其警
夜者知天未明時勝光王及勝鬘夫人等驚
恠其事門人奏曰今佛世尊及諸聖衆俱至
門首時王聞已惄命群臣勝鬘夫人部領宮
內城中士女並悉奔馳俱到城門禮世尊足
王先贊首白佛言世尊以何因緣無上大師
躬至於此佛告大王鄖陀夷苾芻教化人中
我說第一今被他殺棄糞聚中我今故來為
彼焚身作供養事時勝光王聞是事已及勝
鬘夫人便以四寶莊校喪舉躬從如來至糞
聚所出尊者屍香湯洗浴置寶輦中奏衆伎

樂幢播滿路香煙徧空王及大臣傾城士女
從佛及僧送出城外至一空處積衆香木灌
灑酥油以火焚之誦無常經畢取舍利羅置
金瓶內於四衢路側建窣堵波種種香華及
衆音樂莊嚴供養昔未曾有王及中宮并諸
士庶佛及聖衆各還本所尔時世尊至住處

詒三

上

已告諸苾芻此由非時行招斯大過廣說乃
至我觀十利為諸苾芻制其學處應如是說
若復苾芻非時入聚落者波逸底迦

如是世尊為諸苾芻制學處已非時不得入
聚落時諸苾芻有看病人遂闢瞻視知僧事
者僧事廢闢以事白佛佛言有苾芻者囑授
應去應告彼曰具壽存念我有看病因緣或
為衆事須非時入聚落白具壽知彼答云與
算迦時有苾芻於俗舍內先寄衣鉢其舍非
時忽然火起苾芻即便往取衣鉢行至中途
作如是念我不囑授非時入聚落是所不應
遂即迴還覓人囑授須臾之頃衣鉢燒盡時

諸苾芻以緣白佛佛言除因緣故告諸苾芻
前是創制此是隨開應如是說若復苾芻非
時入聚落不囑餘苾芻除餘緣故波逸底迦
若復苾芻者謂此法中人餘義如上言非時
者有二分齊謂從過午至明相未出聚落義
如上入者謂至聚落餘苾芻者謂於其處現
有苾芻而不告語除時因緣者謂有難緣餘
義如上此中罪相其事云何若苾芻於非時
非時想疑得根本罪於時作非時想疑得惡
作罪餘二無犯又無犯者廣說如上

余時勝鬘夫人知尊者鄖陀夷枉被賊帥所
殺慇懃白王令捕賊帥爲護未來諸苾芻故

詠三

十三

時王即勑有司嚴加掩捕獲賊帥已王遣將
賊投熱油釜中而斷其命賊之伴侶有五百
人皆截其手彼私通女以其頭髮繫不調馬
足放令踢死時諸苾芻咸皆有疑白佛言世
尊彼之賊帥曾作何業殺鄖陀夷受苦而死
及私通女五百賊徒皆被刑戮佛告諸苾芻

由彼王等於先世中自所作業還當自受非
於餘處有物代受如餘廣說汝等應聽乃往
古昔於婆羅痆斯城王名梵摩達多其王大
臣聰明博識有五百弟子爲貪利故遂至王
前詐陳預夢云我夢見當於十二年中天不
降兩國土荒亂人民飢饉王位將危王曰若
如是者事當奈何欲作何計得免災厄大臣
白日應殺五百頭牛作耶慎若大會設婆羅
門方免災難王遂出教揔集五百頭牛俱在一
處牛大吼叫王聞其聲便生悲愍告大臣
曰豈俱殺此諸牛命耶臣測王意白言大王
觀此群牛欲殺之時有行姪者其牛合死時
將設會揔察諸牛遂有特牛犧牛共爲姪事
大臣曰此應合殺彼五百弟子一時舉手云
此牛合死其大臣婦亦云合死遂殺二牛以
供設會汝等苾芻往時大臣者即賊帥是其
大目婦者即私通女是五百弟子者即賊伴
五百人是往時二牛即勝光王及勝鬘夫人

是昔時被殺今還殺彼汝等苾芻凡諸有情
自所作業果報不亡雖經多劫緣合還受是
故當知勿爲惡業修諸善品

復次諸苾芻汝等當聽其鄖陀夷先作何業

由昔殺他今還被殺

由彼業力今被他殺棄糞聚中乃往古昔於
一聚落有捕獵人以屠殺爲業而自活命彼
時有一獨覺來至林所而暫停息當是之日
彼捕獵人一無所獲便生惄念我從昔來於
此林中多獲禽獸何故今日而無所得遂見
者作如是念由此人來我無所得遂生瞋忿
即滿張弓放以毒箭中其禁處獨覺聖者見

詠三十四

此愚人起悲愍心爲現神變騰空上踊猶若
鵝王時彼獵人見神通已深生追悼發言仰
告我愚癡人不識賢聖願縱身下受我懺謝
時彼聖者爲哀愍故放身而下受其懺謝因
即命終時彼獵人以火焚形取其舍利起窣
堵波種種供養因發大願勿緣此罪令我當

詠三十五

受地獄報於未來世當得逢遇殊勝大師親
承供養汝等苾芻往時獵人者即鄖陀夷是
復次諸苾芻汝等當聽此鄖陀夷先作何業
得阿羅漢親事於我被殺之後棄糞聚中佛
與僧衆王及大臣勝鬘夫人并諸宮女城中
士庶俱至屍邊莊嚴寶輿移至勝處焚燒既
訖取設利羅造窣堵波盛興供養乃往古昔
有一瓦師見一獨覺身嬰疾病爲乞食故次
到其家時彼瓦師不識賢聖遂便捉脰推出
棄糞聚中彼身無力因即命過有餘獨覺乘
空而度見其屍骸縱身向下以諸香華隨時
供養瓦師見已具問其故知是聖人便生憂
悔我是愚癡不識賢聖自知無力能如法焚
燒遂即白王共爲禮葬王聞大聖非理涅槃
拏命群官及後宮嬪女城中士庶人物駢闐
各持酥油并諸香木至聖者所焚身供養時
彼瓦師作金色瓶盛其餘骨置雜綵舉往四

十五

衢道側造窣堵波隨力供養遂發弘願我之所作無間重業勿緣此故墮捺落迦以此懸重供養之業於未來世當得遭遇殊勝大師親承教旨不生疲厭獲得如是神通自在汝等苾芻彼時瓦師即毘陀夷由昔所作惡業餘報於五百生中常被他殺投之糞聚由彼供養發願力故今值遇我成阿羅漢由此業故雖涅槃後我與大眾王及人民悉皆雲集焚身供養汝等當知又何緣故此毘陀夷教化人中最為第一於過去世迦葉波佛時毘陀夷於彼出家為大法師善能說法教化有情無量億數由彼業力於諸衆中教化第一是故諸苾芻當觀如是善惡之報如影隨形終不亡失善業勤修惡事當捨應如是學

第九攝頌曰

食明相今知 针筒牀脚量 賖華并坐具
瘡兩大師衣
食前食後行詣餘家不囑授學處第八十一

爾時薄伽梵在室羅伐城逝多林給孤獨園時此城中有一長者大富多財受用豐足時具壽毘波難陀因行乞食至長者家長者即便持飯施與因爲說法施食之人獲五功德謂壽命色力安樂詞辯長者聞已深心歡喜頂禮其足歸依三寶受五學處時毘波難陀復於他日至長者家長者白言聖者我今因大德爲善知識故欲請佛及僧就舍而食唯願聖者爲我白知時毘波難陀還至住處稱長者名爲請佛僧時毘波難陀即於晨朝至長者宅報長者曰我有緣事暫至餘家我若不來不須行食作是語已捨之而去爾時世尊知彼長者不閑法式不來告白即便自將大衆詣長者家就其食處時諸苾芻報長者曰應唱隨意長者即便報言聖者我爲大衆設斯座褥佛言此即便是作隨意訖宜應就座佛及大衆坐時既久日復將中不見行食佛告阿難陀曰汝告長者日時既至應可行

食日時過者食何所爲具壽阿難陀奉教而告長者報曰聖者鵠波難陀今未來到如是至三阿難陀曰若鵠波難陀不來者不欲行食耶報言如是具壽阿難陀以事白佛尔時世尊說伽陀曰

由他悉皆苦 自由便受樂 共有皆闕事智者不應爲

時欲將中鵠波難陀方始來至遂便行食時諸苾芻有噉少許有不食者佛爲長者說施頌已從座而去鵠波難陀即於此住不往寺中當時是十五日衆僧欲作褒灑陀惟鵠波難陀不來赴集復無持欲人人衆皆久坐妨廢法事求覓不得令衆疲勞時諸苾芻共生嫌賤作如是語云何苾芻受食家請食前食後而不速來久住俗舍以緣白佛佛言食前食後有此過生乃至我觀十利爲諸弟子制其學處應如是說

若復苾芻受食家請食前食後行詣餘家者

波逸底迦如是世尊爲諸苾芻制其學已時有看病苾芻廢其瞻視知僧事者檢校有關時諸苾芻以緣白佛佛聞此已告諸苾芻前是創制今復隨開應如是說

若復苾芻受食家請食前食後行詣餘家不囑授者波逸底迦若復苾芻者謂鵠波難陀

十七末

餘義如上食家請者謂被他喚食家義如上食前者謂是午前若出行時過二家者便得墮罪食後者謂過午已後若出行時過三家者便得墮罪不囑授者謂不報人應囑施主云我往某處或囑苾芻云向某處結罪如上此中犯相其事云何若苾芻受食家請食前行過二家食後行過三家不囑授得墮罪若不以此苾芻爲先首而請喚者無犯又無犯者謂初犯人廣說如上

根本說一切有部毗奈耶卷第四十三

詠三

徐

梯他芳暴暴蒲報反相撲角反禿他谷冠帽

